

Депозитордың хабарламасы

1. «ForteBank» АҚ (бұдан әрі – Банк) осы арқылы депозиттерге міндетті кепілдік беру жүйесіне өзінің қатысуы туралы Сізді хабардар етеді.

2. «Қазақстан Республикасының екінші деңгейдегі банктерінде орналастырылған депозиттерге міндетті кепілдік беру туралы» Қазақстан Республикасының Заңына (бұдан әрі – Заң) сәйкес Сіздің депозитіңіз (салымыңыз)¹ депозиттерге міндетті кепілдік беру объектісі болып табылады.

3. Заңға сәйкес кепілдіктің максималды (шекті) сомасы:

- Ұлттық валютадағы жинақ салымдары (депозиттері) бойынша **20 миллион теңге**;
- Ұлттық валютадағы өзге де депозиттер (жинақ ақшадан басқа) бойынша **10 миллион теңге**;

- Шетел валютасындағы депозиттер бойынша **5 миллион теңгені** құрайды.

Егер Банкте түрлері мен валютасы бойынша әртүрлі бірнеше депозиттер (салымдар) орналастырылған болса, онда барлық депозиттер (салымдар) бойынша соманың жиынтық қалдығына кепілдік беріледі, бірақ депозиттің (салымның) әрбір түрі бойынша шектерді ескере отырып, кепілдікті өтеудің ең жоғары сомасынан – 20 миллион теңгеден аспайды.

Сіздің назарыңызды аударамыз, Банкке барлық операцияларды жүзеге асыруға берілген банктік лицензиядан (бұдан әрі – лицензия) айыру күніне есептелетін кепілдік өтемақысының төлемге жататын мөлшері депозиттегі (салымдағы) қалдық сомаға, есептелген сыйақыны ескере отырып, айқындалады және оның мөлшері төмендегі нәтижелер негізінде белгіленеді:

1) валюта айырбастаудың нарықтық бағамы бойынша шетел валютасындағы депозиттегі (салымдағы) қалдық сомасын теңгемен қайта есептеу;

2) түрлері мен валютасы бойынша әртүрлі Банктегі өзге депозиттер (салымдар) бойынша қалдықтардың сомасын ескере отырып, кепілдік өтемнің жиынтық сомасын есептеу;

3) Банк алдындағы берешегіңіздің (болған жағдайда) сомасын, мысалы, кредит бойынша есепке жатқызу.

Сіздің депозитіңіз (салымыңыз) бойынша атауы, түрі, валютасы және өзге де шарттары, оның ішінде Заңда белгіленген кепілдік өтемінің ең жоғары (шекті) сомасы Банк пен Сіздің араңызда банктік шот шартын және (немесе) банктік салым шартын жасау кезінде Сіз қол қоятын өтініште немесе өзге құжатта, оның ішінде электронды түрде нұсқаланады.

4. Банк лицензиядан айырылған жағдайда, «Қазақстанның депозиттерге кепілдік беру қоры» АҚ (бұдан әрі – ҚДКБҚ) Банк лицензиядан айырылған күннен бастап 20 жұмыс күні ішінде сіздің депозитіңіз (салымыңыз) бойынша Кепілдікті өтем төлеуді бастайды.

ҚДКБҚ-ның кепілдік өтемақысын төлеуді бастау, оны алу тәртібі мен тәсілдері, сондай-ақ кепілдік өтемақысын төлеуді жүзеге асыратын агент-банктер, төлемді бастау кезеңі немесе оны кейінге қалдыру туралы хабарландыруы Банк лицензиядан айырылған күннен бастап 15 жұмыс күні ішінде бүкіл Қазақстан Республикасының аумағында таралатын мерзімді баспасөз басылымдарында (Егемен Қазақстан, Казахстанская правда), сондай-ақ өзге де бұқаралық ақпарат құралдарында және ҚДКБҚ-ның интернет-ресурсында (www.kdif.kz) қазақ және орыс тілдерінде жарияланады.

Кепілді өтемді төлеудің басталу күні ҚДКБҚ көрсетілген хабарландыру жарияланған күннен бастап 5 жұмыс күнінен аспайды.

¹ банктік шот шартында және (немесе) банктік салым шартында куәландырылған банктік шоттардағы ақша қаражаты

5. Кепілдік өтемақысын төлеу мерзімі төлемді бастау күнінен бастап 1 жылды құрайды. Кепілдік өтемақысын алу үшін Сіз агент-банктер тізімінен таңдалған агент-банкке қағаз түрінде өтініш беруге құқылысыз.

Кепілдік өтемді төлеу- Сіз растайтын құжаттарды қоса бере отырып, төлемге өтініш берген күннен бастап 5 жұмыс күнінен кешіктірілмей жүзеге асырылады. Кепілдік берілген өтемді төлеуге өтініш нысандарымен және растайтын құжаттардың тізбесімен сіз ҚДКБҚ интернет-ресурсында таныса аласыз (www.kdif.kz).

Кепілді өтемді төлеу мерзімінің аяқталған күні туралы ҚДКБҚ хабарламасы төлем мерзімі аяқталғанға дейін 30 жұмыс күні бұрын Қазақстан Республикасының бүкіл аумағында таратылатын мерзімді баспасөз басылымдарында (Егемен Қазақстан, Казахстанская правда), сондай-ақ өзге де бұқаралық ақпарат құралдарында және ҚДКБҚ интернет-ресурсында жарияланады (www.kdif.kz).

6. Кепілдік берілген өтемді төлеу мерзімі өткеннен кейін (төлем басталған күннен бастап 1 жыл) Сіз талап етпеген кепілдік берілген өтем сомасы Қазақстан Республикасының әлеуметтік қорғау туралы заңнамасында көзделген тәртіпте «Бірыңғай жинақтаушы зейнетақы қоры» АҚ (бұдан әрі – БЖЗҚ) ашқан ерікті зейнетақы жарналарын есепке алу үшін ҚДКБҚ-ға Сіздің жеке зейнетақы шотыңызға аударылады. Талап етілмеген кепілдік өтем сомасын БЖЗҚ-ға аудару талаптары Заңның 21-1-бабының 2-тармағында айқындалған.

7. Заңға сәйкес, төлем мерзімі ішінде өтініш беруге кедергі келтіретін дәлелді себеп болған жағдайда, Сіз растайтын құжаттарды қоса бере отырып, кепілдікті өтемақы төлеуге ҚДКБҚ-ға жазбаша өтініш беруге құқылысыз (соның ішінде Сіз талап етпеген соманы ҚДКБҚ-ға аударған жағдайда да). Дәлелді себептердің тізбесі Заңның 21-1-бабының 4-тармағында белгіленген. Бұл ретте мұндай өтініш Банк түпкілікті таратылғанға дейін не Қазақстан Республикасының әлеуметтік кодексіне сәйкес ерікті зейнетақы жарналарын есебінен зейнетақы төлемдеріне құқығыңыз басталғанға дейін (ерікті зейнетақы жарналарын есепке алу үшін Сіздің жеке зейнетақы шотыңызға талап етілмеген өтем сомасы аударылған жағдайда) берілуі мүмкін.